

NALUNAARUTIT - Grønlandsk Lovsamling

Serie C-II

ISUMAQATIGIISSUT

Naalakkersuisut, Skatteministeriet aamma Sulineramik
Inuussutissarsiateqartut Kattuffiata akornaanni **plejemuut, oldfruet**
økonomallu pillugit isumaqatigiissutaat.

Isumaqatigiissummi matumani pineqarput plejemuut ilinniarsiman-
ngitsut, oldfuret økonomallu naalagaaffiup suliffeqarfiutaani, Ka-
laallit Nunaanni Namminersorlutik Oqartussani komunnenilu suliso-
rineqartut, isumaqatigiissutinut allanut attuumassuteqanngittut.

Sulineramik Inuussutissarsiateqartut Kattuffiat isumaqatigiissummi
taagorneqarpoq SIK.

Imarisai

Kapitali 1 Isumaqatigiisummi pineqartut.....	4
§ 1 Isumaqatigiisummi pineqartut	4
§ 2 Akunermusiarlutik sulisut	4
§ 3 Atorfinititsinermi	5
Kapitali 2 Piffissaq suliffiusoq.....	5
§ 4 Piffissaq suliffik	5
Kapitali 3 Piffissap ilaannaani atorfeqarneq.....	5
§ 5 Piffissap ilaannaani atorfinititsineq	5
Kapitali 4 Tunngaviusumik akissarsiataamma qanoq sivilutigisumik sulisimaneq naapertorlugu akissarsiaqarnermi aalajangersakkat il.il	7
§ 6 Sulisut akissarsiaat	7
§ 7 Ukiut suliffiit malillugit akissarsiat qaffakkiartortarneri .	7
Kapitel 5 Nalinginnaasumik tapit.....	8
§ 8 Persaqusersornermut tapi	8
§ 9 Pikkorissutsimut aammalu pisortaanermut tapisiaq.....	8
§ 10 Stationeqarfinni avinngarusimasuni sulisut	9
§ 11 Suliartoqquneqaratarsinnaanermut tapi	9
§ 12 Suliffimmi misiliisunut ilitersuinermi akissarsiaq.....	10
Kapitali 6 Qaangiuttoornerit.....	10
§ 13 Qaangiuttoorneq	10
§ 14 Qaangiuttoornermut taarsiullugu sulinngiffeqartarnerit	11
Kapitali 7 Atorfeqarnermi atugarisat immikkut ittut.....	12
§ 15 Atorfininnermi soraarnermilu akiliunneqarluni angalarnerit	12
§ 16 Nassatat angallannerinut akiliussineq	12
§ 17 Kalaallit Nunaanni akiliunneqarluni angalanerit	12
§ 18 Angalanermi sillimmasineq (angalanermut atatillugu ajutooratarinnaanermut- aamma nassatanik sillimmasineq)	13
§ 19 Ineqarneq	13
§ 20 Nassiussanik - aamma pisatanik nutserisartunik sulisitsisup qinigaqarsinnaanera	13
§ 21 Atorfimmut atatillugu najugaqarnermi akiliut	13
§ 22 Atorfimmut atatillugu najugaqarnermi akiliutit	14
§ 23 Nerisaqarneq ineqarnerlu	14
Kapitali 8 Atorfimmut atatillugu angalanermi malittarisassat malunnaatilimmik aningaasartuutaanerusut.....	14

§ 24	Atorfimmut atatillugu angalanermi piffissap angalanerup sivisussusianik ilanngussinernut malittarisassat	14
§ 25	Sulisilluni angalanermi ulluni sulinngiffeqarnissat pillugit malittarisassat	15
§ 26	Sulisilluni angalanermi aningaasartuuteqarnerulernerumut taarsiissuteqarfigineqarnissaq	15
§ 27	Ullormusiat	15
§ 28	Unnukkut tapi	16
Kapitali 9 Sulinngikkallarnej, feeriarnej immikkullu pisussaaffit		
§ 29	Sulinngiffeqarsinnaatitaaneq	16
§ 30	Qinikkatut pisortanillu toqqakkut suliassaqaartitaaneq	16
§ 31	Qanigisat perulunnerat aamma/imaluunnit toqunerat ilisaanerallu	17
§ 32	Meerarisap napparsimanerani unitsinneqarneranilu sulinngiffeqartarnerit	18
§ 33	Naartuneq, ernineq meeravissiarartaarnerlu	19
§ 34	Napparsimaneq	19
§ 35	Sulinngiffeqartarnej sulinngiffeqarnerisiutillu	20
§ 36	Nipangiussisussaataitaaneq	21
Kapitali 10 Akissarsisitsineq		
§ 37	Aningaasarsiat aningaasarisllu allanngorartut il.il tunniunneqartarnerat	22
§ 38	Soraarnerussutisiassanut akiliutissat taakkulu akilerneqartarneri	22
§ 39	Toqukkut qimagaanersiutit	23
Kapitali 11 Atorfeqarnerup atorunnaarnera		
§ 40	Soraarnissamik/soraarsitsinissamik ilimasaarineq il.il.	23
§ 41	24
Akissarsiat katiternerit		
§ 42	Isumaqatigiinngissutit kinaassusersiortumillu soraarsitsinerit	25
Kapitel 12 Ikaarsaariarnermi malittarisassa aamma isumaqatigiissutip piffissaq atuuffissaa		
§ 43	Ikaarsaariarnermi aaliangersakkat	25
§ 44	Isumaqatigiissutip piffissaq atuuffia	25

Kapitali 1

Isumaqatigiisummi pineqartut

§ 1

Isumaqatigiisummi pineqartut

Isumaqatigiisummi matumani pineqarput plejemuut ilinniarsimangitsut, oldfuret økonomallu naalagaaffiup suliffeqarfiutaani, Kalaallit Nunaanni Namminersorlutik Oqartussani kommunenilu sulisorineqartut, isumaqatigiisutitut allanut attuumassuteqangittut.

§ 2

Akunermusiaqarlutik sulisut

Akunermusiaqarluni sulisartoq, atorfeqavinnissaq siunertarinagu, kisiannili sulinngiffeqartoqartillugu, napparsimasoqarnerani assigisaannilu taartissatut imaluunnit qaammatit pingasut inorlugit si-visussusilimmik allamik suliaqarallarnissamat sulisussarsiarineqartut, nal. akunermusialerlugit aningaasarsitineqartassapput. Qaammatit pingasut sinnerlugit sulereernermi pineqartoq qaammammusiaqalersinneqassaaq, taamaattorli sulisartup kissatigiguniuk nalunaaquttap akunermusiaqaannarsinnaavoq.

Imm. 2. Nal.akunermusiaq pineqartup ukiut suliffii tunngavigalugit § 6 naapertorlugu qaammammusiaritineqartup 1/2080-rivai.

Imm. 3. Nal.akunermusiallit sulinerat siumut qaammammik ataatsimik siumut ilisimatitsilluni qaammaatip naanneranut atorunnaarsinneqarsinnaavoq.

Imm. 4. Sulsisut nal.akunermusiallit ullut 6-it ingerlaneranni akissarsiaqaratik ullormi ataatsimi sulinngiffeqarsinnaatitaapput; taamaattoq ulloq sulinngiffissaq suliffimmi pissutsit patsisaatilugit allamat nuutsinneqarsinnaavoq.

Imm. 5. Sulisut nal. akunermusiallit akissarsiffissaat ullunut 14-inut naatsorsorneqartassaaq, ataasinngornermiit sapaatit akunnerisa marluk naaneranni sapaat ilanngullugu.

Imm. 6. Sulisut nal.akunnermusiallit feriernersiutissaattut akis-sarsiaasa 12,5 %-iattut annertutigisut katersorneqartarput.

Imm. 7. Sulisut nal.akunnermusiallit isumaqatigiisummi § 7 skalat malillugit ukiut suliffiit qaffakkiartortarneri naapertorlugit inissinneqassapput. Nal. akunermusiaqarnermik nalaani ukiut sulif-fiit qaffakkiartortarnerinik katersisinnaangillat

Imm. 8. Sulisut nal. akunnermusialinnut aalajangersakkat §§ 9, 31, 39, 40 aamma 41 atuutsinneqangillat.

§ 3

Atorfinitsitsinermi

Isumaqatigiisut una tunngavigalugu atorfinitsitsinermi, atorfeqarnermut isumaqatigiisutip assinga SIK-p mail-ianut TR_SIK@sik.gl nassiunneqassaaq.

Kapitali 2

Piffissaq suliffiusoq

§ 4

Piffissaq suliffik

Malittarisassani § 6 tunngaviusumik akissaatit aalajangersakkat malissagaanni ulloq naallugu sulisuusariaqarpoq, tassa sapaatit akuneranut nal. ak. 40-t. Qaammammut suliffiususaaq akunnerit 173 1/3.

Kapitali 3

Piffissap ilaannaani atorfeqarneq

§ 5

Piffissap ilaannaani atorfinitsitsineq

Sulisut piffissap ilaannaani sulisussatut sulilersinneqartut, qaammammut akissarsiaqartinneqassapput piffissamut qanoq sivilisutigisumik sulisarnerat naapertorlugu.

Imm. 2 Piffissap ilaannaanni sulisussamik sulilersitsinermi imm. 1 najoqqutaralugu pissutsit assigiinngitsut pissutigalugit, isumaqatigiissuteqartut akornanni atugassarititaasut pillugit aaliangiisoqartassaaq.

Imm. 3. Suliffiup sulivissusianik allanngortitsineq, tassungalugu ilaalluni piffissap ilaanaa sulisup sulileqqaarnerni isumaqatigiissutigineqartumut naleqqiullugu sivilisuitsuigallarneq. Ullunik pingasunik (3) sioqqutsisumik ilisimatitsineq taamaallaat pisinnaavoq.

Imm. 4. Taamatut ilisimatitsisoqanngippat nal. akunnerisa suliffiorpiartut saniatigut nal. akunneranik ataatsimik (1) pissarsisisoqassaaq. Piffissamik suliffissamik allanngortitsisoqassatillugu inuit ataasiakkaa piffissap allanngortinneqartup nalaani sulinnginnissaminnik kissaataa ataqqineassapput.

Imm. 5. Piffissap ilaannanut atorfinitsitsisoqartillugu suliartoqquneqaratarsinnaanermut tapi § 11 naapertorlugu suliartoqquneqaratarsinnaanermut tapisiqartitsoqarsinnaanngilaq.

Imm. 6. Qaangiuttoornerit sulisup sulisitsisullu akornanni isumaqatigiinnerisigut sulinngiffeqaataasinnaapput. Qaangiuttoornerisiasaagaluanut taarsiullugu sulinngiffeqarnermi qaangiuttoornermi akissarsiassat 50 %-mik ilallugit qaangiuttoornerisiasaagaluanut naapertuuttunik sulinngiffeqaataassapput.

Kapitali 4

Tunngaviusumik akissarsiaataamma qanoq sivilisutigisumik sulisimaneq naapertorlugu akissarsiaqarnermi aalajangersakkt il.il

§ 6

Sulisut akissarsiaat

Isumaqatgiissut manna naapertorlugu sulisut qaammammut ima
aningaasarsiaqartinneqassapput:

Skala	Trin	Ukiut suliffiit	1. april 2022	1. april 2023	1. april 2024	1. april 2025
21	1	Ukiut 1.-2	20.678,46	21.025,12	21.371,78	21.718,44
22	2	Ukiut 3.-4	20.878,13	21.224,79	21.571,45	21.918,11
23	3	Ukiut 5.-6	21.083,71	21.430,37	21.777,03	22.123,69
24	4	Ukiut 7.-8	21.295,12	21.641,78	21.988,44	22.335,10
25	5	Ukiut 9 amerlanerillu	21.518,37	21.865,03	22.211,69	22.558,35

§ 7

Ukiut suliffiit malillugit akissarsiat qaffakkiartortarneri

Ukiut suliffiit malillugit akissarsiat qaffakkiartortarneri aalaja-
ngersarneqartassapput piffissaq pineqartup suliamik affigiimmik su-
liffia aallaavigalugu.

Imm. 2. Ukiut suliffiit malillugit akissarsiat qaffakkiartortarneri
tamatiqut qaammatinut ilivitsunut akunnaallillugit iluarsineqartas-
sapput ullut 15 taakkunanngaluunniit ikinnerit ilanngunneqartassana-
tik.

Imm. 3. Sap.akunnerannut agguaqatigiissillugu nal. akunneri 15-nit
sinnerlugit suliffiuppata tamakkiisumik akissarsiat qaffakkiartortar-
nerinik pissarsisoqassaaq. Sap.akunneranut agguaqatigiissillugu nal.
akunnerini 15-init ikinnerit suliffiuppata akissarsiat qaffakkiartor-
tarnerannik piffissamut suliffimmut naapertuuttunik pissarsisoqas-
saaq.

Imm. 4. Sulisut Kalaallit Nunaanni pisortat suliffeqarfiutaanniit toqqaannartumik pisortat suliffeqarfiutaannut allamut nuuttut ukiut suliffiit malillugit akissarsiat qaffakkiartortarnissaattut katersa-
reriikkatik attatiinnassavaat.

Imm. 5. Malitarisassanit siuliani taaneqartunit qaffasinnerusumik inissiisoqarsinnaavoq immikkorluinnaq pissutissaqartillugu. Tamanna illuatungeriit akornanni sumaqatigiissuteqassaaq.

Kapitel 5

Nalinginnaasumik tapit

§ 8

Persaqqusersornermut tapi

Avitamik sulinermut, piffissami nal. 17.00-imiit nal. 06.00-imut unnuarsiornermut, arfininngornikkut nal. 14.00-ip kingornatigut aamma sapaatini nalliuttunilu sulinermut Namminersortnerullutik O-qartussani kommuninilu tjenestemandinut maleruagassat atuuttut naapertorlugit tapisiaqartitsisoqassaaq. Qaangiuttoornerli pineqarpat taamaallaat § 13 naapertorlugu qaangiuttoornerisuteqartitsisoqarsinnaavoq.

§ 9

Pikkorissutsimut aammalu pisortaanermut tapisiaq

Sulisut qaammatini 3-ni nerisassiornermut assigisaannullu (hus-
holdning) ilinniagaqarsimasunut qaammammut pikkorissutsimut tapisiaqartitsisoqassaaq 200,00 kr.-nik.

Imm. 2. Sulisut, errotsisarfinni ilinniarsimasunut qaammammut pikkorissutsimut tapisiaqartitsoqassaaq 400,00 kr.-inik.

Imm. 3. Pikkorissutsimut tapi siuliini taaneqartoq, immikkut it-tumik pissutissaqartillugu illuatungeriit isumaqatigeereernerisigut ilinniagaqarsimanngikkaluartunut tunniunneqarsinnaavoq.

Imm. 4. Sulisut sulisunik siulersuigaqartut pisortaanermut tapisiaqartinneqarsinnaapput qaammammut 700,00 kr.-inik.

Imm. 5. Sulisut annertuunik akisussaaffeqartut pisortaaffeqartulluunniit pisortaanermut tapiissutinit imm. 4-mi pineqartunit amerlanerusunik tapisiaqartinneqalersinnaapput illuatungeriit isumaqatigiinniareernerisigut.

§ 10

Stationeqarfinni avinngarusimasuni sulisut

Ikerasassuarmi Danmarkshavnimilu stationeqarfinni sulinermut tapisiat pillugit kaajallaasitaq naapertorlugu tapisiaqarfissatut aalajangersaavigisani sulisut Kalaallit Nunaanni stationeqarfinni avinngarusimasuni suliamik immikkut ilinniagallit pillugit ileqqoreq-qusami aalajangersakkanit ukunannga pineqarput:

- a) tamanna pillugu kaajallaasitaq naapertorlugu stationimiinnermi tapisiaq
- b) atorfininnermi soraarnermilu akiliunneqarluni angalanerit
- c) sulinngiffeqarnermut atatillugu akiliunneqarluni angalaneq
- d) nerisaqarneq ineqarnerlu
- e) nakorsamit kigutilerisumillu isumagineqarneq
- f) immikkut pisussaaffiit (peqqissutsimik misissortinneq, pikkorissarnerit)

§ 11

Suliartoqquneqaratarsinnaanermut tapi

Sulisut qaangiuttoortariaqartartut, qaangiuttoornermut persaqquser-sorneqarnermullu tapisianut taarsiullugu qaammammut 950,00 kr.-inik tapisiaqartinneqarsinnaapput.

Imm. 2. Suliartoqquneqaratarsinnaanermut tapisiat imm. 1-mi pineqartut, pissutissaqartillugu qaammammut 2.000,00-ninut qaffanneqarsinnaapput, isumaqatigiissuteqartut isumaqatigiinniareernerisigut.

Imm. 3. Isumaqatigiinniareernikkut atorfimmut atatillugu suliartoqquneqaratarsinnaanermut tapisiamik aalajangersaasoqarpat atorfiup

inuttaleqqinnerani tamanna isumaqatigiinniutigineqagqissanngilaq atorfiup imaa allanngunngippat.

Imm. 4. Suliartoqquneqaratarsinnaanermut tapisiap qaangiuttoorne-rit matussuserpai.

§ 12

Suliffimmi misiliisunut ilitersuinermi akissarsiaq

Qaammammusiaqarlutik sulisut qaninnertut aqutsisorisamit qinnuigineqarlutik ilinniartunik sungiusaatillutik, sungiusaasuunermut tapisiaqartinneqassapput qaammammut 500 kr.-inik. Tapeq sungiusaane-
rup nalaani taamaallaat pissarsiarineqarsinnaavoq.

Imm. 2. Suliffimmi misiliisunut ilitersuinernerit tamarmik sulif-
fiup nalaani nalinginnaasumik ingerlanneqartut akissarsiamit matus-
suserneqartarput, matumani ilaallutik suliffimmik misiliinerup i-
ngerlanneqarneranut pilersaarusernerit, piareersaanerit, naamma-
sinninnerit aamma malitseqartitsinerit, kiisalu aammattaq atorfi-
nitsitaaffimmi suliffimmik misiliinermik ilitersuisarnermik allaa-
serinninneq qaqugukkulluunnit atuuttoq naapertorlugu.

Kapitali 6

Qaangiuttoornerit

§ 13

Qaangiuttoorneq

Qaangiuttoorneq sapinngisamik pinngitsoortinniarneqartassaaq. Peq-
quneqarluni nakkutigineqartumillu suliffimmi piffissap nalinginnaa-
sup avataasigut qaangiuttoornerit akissarsiat tapiusinnaasut ilan-
ngullugit akileqartassapput 1:1,5 -mik.

Imm. 2. Qaangiuttoornerit nalunaquttap akunnerata qaangiuttoorfi-
gisap affaanut naatsorsorneqartassapput. Qaangiuttoornerisq naat-
sorsorneqassaaq ukiumut akissarsianit 1/2080 § 6 mi akissarsianut
aaliangersakkat malillugit.

Imm. 3. Sulisoq qaangiuttooqquneqassappat tamanna ullormi pineqartumi ullup suliffiup naanissaa nal. akunnerinik 5-inik sioqqullugu ilimasaarutigineqareersimassaaq.

Imm. 4. Ilisimatitsineqanngippat qaangiuttoornerlu nal. akunneri 2- t sinnerlugit sivisussuseqarpat nal. akunnerisa qaangiuttoorfiit saniatigut qaangiuttoornersiffissat nal. akunneranik 1-mik ilaneqassapput.

Imm. 5. Qaangiuttoornerit, sivikinnerpaamik nal. akunnerini sisa- maappata taakku suliffioreersut sanitaigut qaangiuttoornersiamik nal. akunnerata ataatsip nalinganik ilaneqassapput.

Imm. 6. Suliffiup nalinginnaasup avataatigut sulisoq suliartoqquneqarpat minnerpaamik nal. akunneri 4-t tunniunneqassapput.

§ 14

Qaangiuttoornermut taarsiullugu sulinngiffeqartarnerit

Qaangiuttoornerit sulisup sulisitsisullu isumaqatigiinnerisigut sulinngiffeqaataasinnaapput. Qaangiuttoornersiassaagaluanut taarsiullugu sulinngiffeqarnermi qaangiuttoornermi akissarsiassat 1:1,5-imik ilallugit qaangiuttoornersiassaagaluanut naapertuuttunik sulinngiffeqaataassapput.

Stk. 2. Qaangiuttoornermut taarsiullugu sulinngiffeqarfissat nalunaquttap akunnerata qaangiuttoorfigisap affaanut naatsorsorneqartassapput. Sulinngiffeqarnerup qaqugu pinissaa sulisup sulisitsisullu akornanni suliffik mianeralugu sulisullu kissaatigisai naapertorlugit aqqissuunneqassaaq.

Kapitali 7

Atorfeqarnermi atugarisat immikkut ittut

§ 15

Atorfininnermi soraarnermilu akiliunneqarluni angalasarnerit Sulisussarsiorluni allagarsiussinnermi ineqartitsisoqarnissaa ilanngunneqarsimappat imaluunniit atorfimmut atatillugu inip/illup najornissaanut pisussaaffeqaraanni Danmarkimi imaluunniit Kalaallit Nunaanni najugarisap akornanni pequtit nassiunnerat aamma atorfinitsitaanermut atatillugu.

Imm. 2. Atorfininnermut aamma atorfimmit soraarnermut atatillugu akiliunneqarluni angalaneg uku tunngavigalugit ingerlanneqassaaq [NAL 4-1-48 - Aftale om frirejser](#) kapitali I kapitali IV.

Imm. 3. Nuunnermut atatillugu pisattat angallanneqarnerani [NAL 4-1-46 - Aftale om flyttegodtgørelse.](#)

Imm. 4. Soraarnermut atasumik soraarnermi akiliunneqarluni angalanissamut pequtillu nutsernissaanut pisinnaatitaaffik atorneqassaaq, taamaangippat tassunga pisinnaatitaaffik atorunnaassaaq.

§ 16

Nassatat angallannerinut akiliussineq

Isumaqatigiissutini § 15 naapertorlugu akiliunneqarluni angalanernut tunngatillugu nassatassat billetimi allassimasut kisimik nasarneqarsinnaapput.

§ 17

Kalaallit Nunaanni akiliunneqarluni angalanerit

Nunatsinni namminermit nuunnissaaq qinnutigisimagaanni imaluunniit peqqussutigineqarsimappat, najugaqarfiup atorfeqarfissallu akornanni angalanermut atatillugu akiliussisoqartarpoq.

§ 18

**Angalanermi sillimmasiineq (angalanermut atatillugu
ajutooratarsinnaanermut- aamma nassatanik sillimmasiineq)**

Isumaqatigiissummi aalajangersakkat naapertorlugit angalanermi sulisoq - ilaqutaanngitsulli - ataatsimoorluni angalanermi sillimmasiineq pillugu qaqugukkulluunniit atuuttunut aalajangersakkanut ilaavoq.

§ 19

Ineqarneq

Atorfinnik inuttassarsiuussinerni ineqarneq pillugu makku nalunaarutigineqartassapput:

- a) sumiiffimmi malittarisassat sukkulluunniit atuuttut malilugit inissaqartitsisoqassasoq, imaluunniit
- b) inissaqartitsisoqanngitsoq, imaluunniit
- c) atorfimmut atatillugu pisussaaffeqartoq suliffimmut atatil-lugu inigisassaataasumik ineqartussaavoq.

Imm. 2. Atorfinitsinneqartup inissiaq innersuunneqartoq najugariu-manngippagu, inissiamik allamik innersuussisoqarsinnaanngilaq.

§ 20

**Nassiussanik - aamma pisatanik nutserisartunik sulisitsisup
qinigaqarsinnaanera**

Isumaqatigiissutini malittarisassat, sulisitsisup nassiussineq pisattanillu nutserisartoqarneq pillugu qinigaqarsinnaanera atuuppat taamaallaat atuutissapput.

§ 21

Atorfimmut atatillugu najugaqarnermi akiliut

Sulisunut inissianut innersuunneqartunut, Namminersorlutik Oqartus-sat kommunillu Kalaallit Nunaanni illuutaanni ineqarnermut akiliu-taasartut pillugit malittarisassat sukkulluunniit atuuttut naaper-torlugit, ineqarnermut akiliuteqartoqartassaaq.

Imm. 2. Inissiamik innersuunneqarsimasumik sumiginnaasoqarpat at-tartornermik atorunnaarsitsineramik kinguneqartumik, inissiamik al-lamik innersuussisoqassanngilaq.

§ 22

Atorfimmut atatillugu najugaqarnermi akiliutit

Sulisut sulisunut inissiani najugaqartut ineqarnermut tapinik aki-liisassapput [NAL 5-1-9 - Aftale om tjenesteboliger i Grønland](#) naa-pertorlugit.

§ 23

Nerisaqarneq ineqarnerlu

Sulisut suliffeqarfiup nerisaqartitsinerani peqataasartut tamatu-munga akiliuteqassapput niviarsiat nerisaqarnermut akiliutaannut qanoq ilisukkulluunniit atuuttunut naapertuuttumik.

Imm. 2. Inimi ataatsimi ineqarnermut, tassa imaappoq suliffeqarfim-mi akiliutigineqartassapput qaammammut 500,00 kr.

Kapitali 8

Atorfimmut atatillugu angalanermi malittarisassat malunnaatilimmik aningaasartuutaanerusut

§ 24

Atorfimmut atatillugu angalanermi piffissap angalanerup sivisussusianik ilanngussinernut malittarisassat

Najugarisaq qimallugu sulilluni angalanermi piffissaq angalaffik ilanngullugu sulinertut naatsorsuunneqartassaaq. Piffissalli anga-laffiusup kingunerisaanik ullormi pineqartumi piffissap suliffiu-sussap ileqquusumik naammassineqarsimannginneratut isigineqassan-gilaq. Ullup suliffiusup avataatigut angalaneq qaangiuttoorneru-voq.

Imm. 2. Sulisorli siniffissaqartinneqarpat nal. 22.00-p nal. 08.00-illu akornanni piffissaq angalaffiusoq/piffissaq suliffiusoq naatsorsuunneqassanngilaq.

§ 25

Sulisilluni angalanermi ulluni sulinngiffeqarnissat pillugit malittarisassat

Sulisilluni angalanermi angerlarsimaffigisap avataani unnuinermi atorfinitsinneqarsimasut nalinginnaasumik sulinngiffeqartassapput aamma ulluni sulinngiffeqartassapput [NAL 4-1-24 - Aftale om godtgørelse af merudgifter ved tjenesterejser i Grønland og Danmark.](#)

§ 26

Sulisilluni angalanermi aningaasartuuteqarnerulerner taarsiissuteqarfigineqarnissaq

Kalaallit Nunaata aamma Danmarkip akornanni sulisilluni angalanermi aningaasartuutaanerusut [NAL 4-1-24 - Aftale om godtgørelse af merudgifter ved tjenesterejser i Grønland og Danmark.](#)

§ 27

Ullormusiat

Nerinerlut pisariaqartitanullu annikitsunut il.il. aningaasartuutaanerusunut matussutissat ullormusiaqaataassapput. Ullormusiassanik naatsorsuinerit akiliinerillu [NAL 4-1-24 - Aftale om godtgørelse af merudgifter ved tjenesterejser i Grønland og Danmark](#) - naapertorlugit pissapput.

§ 28

Unnukkut tapi

Angerlarsimaffigisap avataani unnuinermi aningaasartuutit ilaannik ajunngitsorsiassaqtitsinermi unnuinermi tapit tunniunneqassap-put. Unnuinermi tapinik naatsorsuineq tunniussinerlu [NAL 4-1-24 - Aftale om godtgørelse af merudgifter ved tjenesterejser i Grønland og Danmark](#). - naapertorlugit pissapput.

Kapitali 9

Sulinngikkallarnek, feeriarnek immikkullu pisussaaffit

§ 29

Sulinngiffeqarsinnaatitaaneq

[NAL 8-1-81 - Aftale om arbejdstid og merarbejde for tjenestemænd](#) kapitali III naapertorlugu malittarisassat malillugit sulinngiffeqarsinnaatitsisoqarlunilu ulluni sulinngiffeqartitsisoqassaaq.

Imm 2. ulluni ataani allassimasuni ullutut nalliuttutut (sapaas-suit) isigineqassapput, tassani sulisoq qulaani taaneqartutut isu-maqatigiissuteqareernikkut akissarsiaqarluni sulinngiffeqarsinnaatitaalluni:

- a) Ilagiit naalagaaffimmit tapersorsorneqartut nalliuttui
- b) Juulliaraq,
- c) Ukiutoqaq,
- d) Kalaallit inuiattut ullorsiorfiat 21. juni
- e) Kunngit Pingasut Ulluut (nal. 12.00-ip kingorna)
- f) 1. maj (nal. 12.00-ip kingorna)

§ 30

Qinikkatut pisortanillu toqqakkut suliassaqtitaaneq

Sulisut qinikkatut pisortanillu suliassaqtitaanerit pillugit qinikkatut pisortanillu toqqakkatut suliaqarneq pillugu nalunaarut sukkulluunniit atuuttoq naapertorlugu sulinngiffeqarsinnaatitaap-put.

Imm. 2. Imm. 1 malillugu suliffigisamiit qimagusimaneq piffissami nalinginnaasumik suliffiusussaagaluumi pisoq sumiginnaanertut isigineqassanngilaq. Suliffimmiit qimagusimanissaq sapinngisamik sioq-qutsilluarluni sulisitsisumut nalunaarutigineqassaaq.

Imm. 3. Pisortanit suliassaqartitaaffinni allani SIK-p Peqatigiiffiini siulersuisuni imaluunniit SIK-p siulersuisuunerini ilaasortat pisortat oqartussaasoqarfiinit piumaffigineqarneq tunngavigalugu ilaasortaaffigineqartut imm. 1-mi 2-milu malittarisassat tunngavigineqassapput.

Imm. 4. SIK-p siulersuisuuneri, SIK-p Inuusuttaasa Siulersuisuinut ilaasortat, ataatsimeersuarnerni, nakkutilliisoqarfeqarnerani peqataanermut atatillugu SIK-p siulersuisuunerinut aamma SIK-p Inuusuttaasa siulersuisuinut ilaasortat, aningaasarsiaqarlutik sulinngiffeqarsinnaatitaapput amerlanerpaamik ukiumut sisamariarlutik.

Imm. 5. SIK-p Peqatigiiffiini siulersuisut, SIK-p siulersuisuunerini aamma SIK-p Inuusuttaasa Siulersuisuinut ilaasortat, akissarsiaqaratik sulinngiffeqarnissartik kissaatigippassuk tamanna akuerineqartariaqarpoq. Taamatut sulinngiffeqartoqarsinnaavoq ukiut ataasiakkaarlugit.

§ 31

Qanigisat perulunnerat aamma/imaluunnit toqunerat ilisaanerallu

Qanigisap napparsimarulunnerani aamma/imaluunniit toqunerani ilisaanerani sulisoq qaammatini pingasuni sulereersimaguni akiliunneqarluni angalanissamut akissarsiaqarlunilu sulinngiffeqarnis-samut qinnuteqarsinnaavoq una malillugu [NAL 4-1-37 - Aftale om frirejse og tjenestefrihed i forbindelse med nærepårørendes alvorlig sygdom og/eller død og begravelse.](#)

Imm. 2. Immikkortoq 1-mi taaneqartumi akiliunneqarluni angalanissamat sulinngiffeqarnermullu qinnuteqaatit tamarmik pineqartup immikkoortortaarfianut tunniunneqassapput tasanilu suliarineqassallutik.

§ 32

Meerarisap napparsimanerani

unitsinneqarneranilu sulinngiffeqartarnerit

Meeqqap napparsimasup paarinissaanut sulisoq akissarsiaqartillugu sulinngiffeqartinneqassaaq.

Imm. 2. Akissarsiaqaatigalugu sulinngiffeqassagaanni tullinnguut-tut makku naammassineqarsimasariaqarput:

- a) Ulloq taanna tassaavoq meeqqap napparsimaffigisaa siulleg
- b) Meeqqap atugai pissutigalugit pisariaqartitsilerneq
- c) Suliffimmi pissutsit tamanna ajornartinngippassuk sulinngiffeqarneq akuerineqassaaq.
- d) Meeraq angerlarsimappat

Imm. 3. Aaqqissuussineq atornerluinermi sulisunut ataasiakkaanut atortussaajunnaarsinneqarsinnaavoq.

Imm. 4. Meerarisap 0-niit 16-inut ukiullip napparsimmavimmut unitsinneqarnerani, angerlarsimaffimmi uninngatinneqarnerani aamma/imaluunniit illoqarfigisap avataani unitsinneqarnerani qaammatisiutini ullut aqqaneq-marluk tikillugit sulisoq akissarsiaqartillugu sulinngiffeqartinneqarsinnaavoq. Illoqarfigisap avataani napparsimmavimmut unitsitsisoqassappat akissarsiaqaatigalugu sulinngiffeqarnermini sulisoq peqqinnissaqarfiup angalaqataasutut akiligaannik meeqqap napparsimmavimmut unitsinneqarnerani angalaqataassaaq. Meeqqap napparsimmavimmut uninnissaa angajoqqaallu uneqataanissaa ingiallortaanissaalu nakorsamit uppernarsarneqassaaq, napparsimmavimmut unitsitsineq illoqarfigisami illoqarfiginngisamiluunniit pinera apeqqu-taatinnagu. Immikkut illuinnartumik pissutissaqartillugu nakorsamillu uppernarsarneqarpat sulinngiffeqarneq sivitsorneqarsinnaavoq ullut tallimat tikillugit.

§ 33

Naartuneq, ernineq meeravissiarartnerlu

Suliassaqarfimmi inatsisit sukkulluunniit atuuttut naapertorlugit sulisoq naartunermi, erninermi meeravissiarartnermilu sulinngiffeqartussaataavoq.

Imm. 2. Sulisoq naartunermi, erninermi meeravissiarartnermilu Inatsisartut inatsisaat nr. 5, 19. november 2020-meersoq naapertorlugu sulinngiffeqarsinnaatitaanermut ullormusiqarsinnaatitaanermullu pisinnaatitaaffeqaruni sulinnginnissaminut aningaasarsiarisanni aningaasarsiaralugit sulinngiffeqarsinnaavoq.

Takussutissiaq una meeqqamik ataatsimik naartunermi erninermilu akissarsiaqarluni sulinngiffeqarsinnaatitaanernik takutitsisuuvoq ***:

Anaanaasoq	Ataataasoq/anaanaaqataasoq
Erninissaq sapaatit akunnerinik sisamanik sioqqullugu (naartunermi sulinngiffeqarneq)	
Erninerup kingorna sapaatit akunneri 15-it (erninermut atatillugu sulinngiffeqarneq)	Erninerup kingorna sapaatit akunneri pingasut (ataataasutut sulinngiffeqarneq)*
Angajoqqaatut sapaatit akunnerini 21-ni sulinngiffeqarneq**	Angajoqqaatut sapaatit akunnerini 21-ni sulinngiffeqarneq**

* Ataataasoq meeqqap inunngorneraniit sapaatit akunnerini siullerni 15-
ini ataataasutut sulinngiffeqassaaq meerartaarneq.

** Angajoqqaatut sulinngiffeqarneq angajoqqaat akornanni agguarneqarsin-
naavoq, angajoqqaalli marluullutik ataatsikkoorlutik angajoqqaatut
sulinngiffeqarsinnaanngillat.

*** Marlulinermi imaluunniit amerlanerusunik ataatsikkut meerartaarnermi
anaanaasup sulinngiffeqarfia sapaatit akunnerinit 15-init sapaatit
akunnerinut 19-inut sivitsorneqassaaq angajoqqaatullu sulinngiffeqar-
neq sapaatit akunnerinit 21-init 25 -nut sivitsorneqarluni.

§ 34

Napparsimaneq

Sulisoq napparsimanini pissutigalugu sulisinnaanngippat, taassuma kinguneranik sulinnginneq inatsisinik unioqqutitsinani sulinnginertut isigineqassaaq, sulisoq sulinermini piaaraluni mianersuaalliorujussuarluniluunniit napparsimalersimannngippat imaluunniit

atorfininnermi salloqittaalluni napparsimanini nipangiusimasiman-
ngippagu.

Imm. 2. Sulisoq qaammatini tulleriiginnarni aqqaneq marlunni katil-
lugit ullut 120-imi napparsimanermini akissarsiaqarsimappat, qaam-
matip naaneranut, siumut ilisimatitsererluni soraarsitsisoqarsin-
naavoq:

Atorfeqarfimmi ataatsimi	Ukiuni 0 -5	Qaammat ataaseq
Atorfeqarfimmi ataatsimi	Ukiuni 6 -8	Qaammatit pingasut
Atorfeqarfimmi ataatsimi	Ukiuni 9 sivisunerusumilu	Qaammatit sisamat

Imm. 3. Soraarsitsineq aatsaat atortuutinneqassaaq pineqartoq suli
napparsimatillugu ullut 120-it qaangiunniariartut soraarsitsiso-
qarsimappat, soraarsitsinerlu atortuunnassaaq soraarnissamik ili-
simatitsineqareerneratigut pineqartoq suliffimminut uteraluarpal-
luunniit.

Imm. 4. Kisiannili imm. 2-mi aalajangersagaq malillugu atorfeqar-
nermit soraarsitsisoqarsimappat, atorfinitsitseqqittoqartariaqarpoq
inuk pineqartoq sulileqqissinnaalerpat aammalu suliffeqarfimmi pi-
neqartumi inuup pineqartup sulinissaa atorfissaqartinneqarpat.

Imm. 5. Napparsimaneq nakorsap uppersarsaerneratigut uppersarsar-
nissaa piumasarineqarsinnaavoq.

Imm. 6. Nakorsat uppersarsaataat imm. 4 malillugu piumasarineqartut
sulisitsisumit akilerneqassapput.

§ 35

Sulinngiffeqartarneq sulinngiffeqarnerisutillu

Sulisoq ukiumoortumik akissarsiaqaatigalugu feeriartarneq pillugu
inatsit sukkulluunniit atuuttoq naapertorlugu akissarsiaqaatigalu-
gulu feeriarsinnaavoq.

Imm. 2. Sulinngiffeqartarneq pillugu Inatsisartut Inatsisaat nr. 10. 12. november 2001-meersumi § 2 naapertorlugu malittarisassat immikkut ittut ataani allassimapput:

Imm. 3. Inatsisartut Inatsisaat nr. 10. 12. novemberimeersuni § 2 naapertorlugu sulinngiffeqarusuttut sulinngiffeqarnermi ajunngitsorsiasaat akissarsiat 12,5 %-tut naatsorsorneqassaaq. Feeriarnermi ajunngitsorsiat ukiumut aningaasarsianit naatsorsorneqassapput.

Imm. 4. Soraarnermi aningaasarsiat 12,5 %-ii sulinngiffeqarnerstissatut tunniunneqassapput.

Imm. 5. Sulinngiffeqarnerstiasanik pisassanik piunasaqarneq sulisitsisumut saqqummiunneqassaaq ukiup sulinngiffeqarfissap qaangiunnerani kingusinnerpaamik qaammatit 3 kingorna. Taamaangippat aningaasat Sulinngiffeqarnermut Aningaasaateqarfimmut nakkassapput, takuuk Sulinngiffeqarnermut Aningaasaateqarfik pillugu isumaqatigiissummut tapiliusaaq.

§ 36

Nipangiussisussaatitaaneq

Sulisoq atorfimminut atatillugu ilisimalikkani pillugit nipangiussisimassaaq, isertuussinissarlu pisumi nalinginnaasumik piunasarinneqarpat imaluunniit sulisitsisumit sullivanik suliarninnittarnermut inatsimmi nipangiussisimannittussaataaqquneqaraanni, takuuk sullivanik suliarninnermi inatsimmi nipangiussisussaatitaaneq pillugu aalajangersakkat sukkulluunniit atuuttut.

Imm. 2. Nipangiussimannittussaataitaaneq suliunnaarnermi atorunnaartanngilaq.

Kapitali 10

Akissarsisitsineq

§ 37

Aningaasarsiat aningaasarisllu allanngorartut il.il tunniunneqartarnerat

Akissarsiat tapillu qaammatikkuutaartumik kingumoortumik tunniunneqartassapput. Peqatigisaanillu sulisitsisup pineqartup atorfil-lip soraarninngornissamut akilersuutai sulisullu nammineq akiler-suutai SISA-mut akiliutigissavai, § 38 takuuk.

Imm. 2. Akissarsiat il.il. qaammatit naaneri tamaasa akissarsianut kontumut sulisup nunatsinni Danmarkimiluunniit aningaaserivimmut toqqartussaataaaffigisaanut innersuunneqartassapput, NemKonto sulisitsisumi nalunaarsorneqareersimanngippat.

Imm. 3. Tapisiat allanngorartut, soorlu unnuarsiornermut tapisiat, qaangiuttoornersiat il.il. amerlassutsit aningaasanik akiliuteqarnerup nalaani atuuttut malillugit naatsorsorneqassapput. Piffissaq naatsorsuusiorfiusoq aammalu akiliuteqarfissaq suliffeqarfimmi aalajangiiffigineqartassaaq.

§ 38

Soraarnerussutisiassanut akiliutissat taakkulu akilerneqartarneri

Isumaqatigiissut malillugu sulisup 18-nik ukioqalereersimasumut soraarnerussutisiaqalernissaanut isumaqatigiissummi matumani akissarsiat paragrafini tunngaviusumik akissarsiat taaneqartut 11,66, %-ii sulisitsisup akilertassavai.

Imm. 2. Akiliutigineqartup agguataarlugu pingajorarterutaa suli-sumut pigitinneqarpoq sulisitsisumullu pingajorarterutaata aappaa pigitinneqarluni. Soraarnerussutisiaqartitsisoqartassaaq soraarnerussutisiaqalernissamut aqqissuussinermi malittarisassatut aalajangersakkat naapertorlugit.

§ 39

Toqukkut qimagaanersiutit

Sulisog atorfeqarnermi nalaani toqusimappat aappaanut katissimanngikkaluarluguluunniit inooqatigisaanut qitornaanut 18 inorlugit ukiulinnut qimagaasunut toqusup pilersugarisimasaanut qimagaanersiutit ataani allassimasut naapertorlugit tunniunneqassapput:

Atorfeqarfirmi ataatsimi	Ukioq siulleq	Qaammat ataaseq
Atorfeqarfirmi ataatsimi	Ukiut marluk	Qaammatit marluk
Atorfeqarfirmi ataatsimi	Ukiut pingasut	Qaammatit pingasut

Kapitali 11

Atorfeqarnerup atorunnaarnera

§ 40

Soraarnissamik/soraarsitsinissamik ilimasaarineq il.il.

Atorfeqarnermi qaammatini pingasuni siullerni siumut nalunaa-ruteqarluni soraarsitsinermi uku atuupput: Sulisitsisoq ullunik arfiineq pingasunik (ullunik suliffinnik tallimanik) siumut nalunaa-ruteqarlutik ullormut sumulluunniit soraarsitsisinnaavoq sulisorlu soraarsinnaalluni.

Imm. 2. Sulisitsisut aamma atorfillit akornanni pissutsit pillugit Inatsisartut inatsisaat naapertorlugu sulisunut sulisitsup tungaaniit sulisumik imatut siumut ilisimatitsererluni soraarsitsisoqarsinnaavoq, misiliutaasumik atorfininneq imaluunniit utaqqii-saagallartumik suliaqarallarneq pineqanngippat::

- a) Atorfininnerup kingorna qaammatini arfinilinni siullerni qaammammik ataatsimik ilisimatitsererluni qaammatip naaneranut
- b) Atorfininnerup kingorna qaammatit arfinillit kingorna qaammatinik pingasunik ilisimatitsererluni qaammatip naaneranut
- c) Taassuma kingorna ukiut atorfeqarnerit pingasukkaarlugit siumut ilisimatitsererluni soraarsitsisinnaanerit qaammammik ataatsimik ilaneqartassapput, kisiannili annerpaamik qaammatini arfinilinni.

Stk. 3. Sulisitsisut aamma atorfillit akornanni pissutsit pillugit Inatsisartut inatsisaat naapertorlugu sulisut qaammammik ataatsimik siumut ilisimatitsilluni qaammaatip naanneranut soraarniuteqarsinnaavoq, misiliutaasumik atorfininneq imaluunniit utaqqiissaagallartumik suliaqarallarneq pineqanngippat.

Stk. 4. Sulisut Sulisitsisut aamma atorfillit akornanni pissutsit pillugit Inatsisartut inatsisaat naapertorlugu pineqanngitsut, sulisitsisup tungaaniit ima siumut ilisimatitsinikkut soraarsinneqarsinnaapput:

- a) qaammatini pingasuni siullerni ullunuk tallimanik siumut nalunaaruteqarlutik ullormut sumulluunniit
- b) qaammatit pinasuni sulereernermi siumut nalunaaruteqarnissaq atuupportaaq § 40 imm. 2 litra b aamma c

Imm. 5. Sulisitsisup sulisullu soraarsitsinissamik soraarnissamillu siumut nalunaarutaat allaganngorlugu tunniunneqassaaq.

§ 41

Akissarsiat katiterneru

Akissarsiat § 5-mi imak katitigaapput 1. april 1991-mi tunngaviumik aningaasarsianik aammalu tunngaviumik aningaasarsianut tapiliussamik. Tunngaviumik akissarsianut tapiliussaq 1. april 2000 16,4789%-tiuvoq. Skala-mi akissarsiat iluarsissutitaqanngitsumik koruuninngorlugu tapiliussamik qaffaavigineqassapput ataanni qaffaatit allassimasut najoqqutaralugit:

1. april 2022	346,66
1. april 2023	346,66
1. april 2024	346,66
1. april 2025	346,66

§ 42

Isumaqatigiinngissutit kinaassusersiortumillu soraarsitsinerit

Isumaqatigiinngissutit suliarineqartassapput aaqqiagiinngissutit suliarineqartarnissaannik tunngaviusumik isumaqatigiissummi aaliangersakkat naapertorlugit.

Imm. 2. Inunnik ataasiakkaanik soraarsitsisinnaaneq atorineqaraangat tamanna kinaassusersiornermik tunngaveqartassanngilaq. Tamanna pil-lugu apeqqutit aaqqiagiinngissutit suliarineqartarnissaannik tunngaviusumik isumaqatigiissummi aalajangersakkat naapertorlugit suliarineqartassapput.

Kapitel 12

Ikaarsaariarnermi malittarisassa aamma isumaqatigiisutit piffissaq atuuffissaa

§ 43

Ikaarsaariarnermi aaliangersakkat

Ikaarsaariarnermi aaliangersakkat ataani allassimasut suli atuupput

Siornatigut § 6 Inunnut ataasiakkaanut tapi

Sulisut 1. april 2014 ataasiakkaanut tapisiallit namminneq tapisiatut suliunnaarnissap tungaanut tapisiarinnassavaat.

Siornatigut § 27 Sulinngiffeqarnerit immikkut ittut allat

Sulisut 31. marts 1995 killigalugu isumaqatigiisut 13. juli 1993-meersoq tunngavigalugu atorfeqartinneqartut, isumaqatigiissummi taane-qartumi § 18, imm. 1, "sulinngiffeqarnerit immikkut ittut allat"-mi malittarisassaq atuutiinnassaaq.

§ 44

Isumqatigiisutit piffissaq atuuffia

Isumaqatigiisut una 1. april 2022-miit atuutilerpoq, aammalu Illu-atungeriinnit tamanit qaammatinik pingasunik sioqqutsilluni kallerreereernikkut marsip 31-annut, taamaattorli siusinnerpaamik 31. marts 2026-imut atorunnaartussangortinneqarsinnaavoq.

Imm. 2. Isumaqatigiissutip atorunnaarnerata kingorna piffissap nu-
taamik isumaqatigiissuteqarfissap tungaanut akissarsiat 31. marts
2026-imi atuuttut malillugit akissarsiaqartitsisoqassaaq.

Nuuk, ulloq

Jess G Berthelsen

SIK

André Guttesen

Naalakkersuisut
sinnerlugit

Frederik S. K. Walther

Skatteministeriaqarfik
sinnerlugu

*Matumuuna Plejermuut, oldfruet ønomallu pillugit Naalakkersuisut aamma Sulinermik
Inuussutissarsiateqartut Kattuffiata akornanni isumaqatigiissutaat 2. december
2019-meersoq atorunnaarpoq.*